



宋本

春秋左氏傳

三四

1726
2



明 1726 卷 2



春秋經傳集解莊公第三

莊公名同桓公子母文姜諡法勝敵克亂曰莊

杜氏 盡三十二年

經元年春王正月三月夫人孫于齊

夫人莊公母也

魯人責之故出奔內諱奔謂之孫猶孫讓而去○孫本作遜 夏單伯送王

姬無傳單伯天子卿也單采地伯爵也王將嫁女于齊既命魯為主故單伯送女不稱

使也王姬不稱字以王為尊且別於內女也天子嫁女於諸侯使同姓諸侯主之不親昏

尊卑不敵 秋築王姬之館于外公在諒聞慮

不忍便以禮接於廟又不敢逆王命故冬十築舍於外○諒音梁又音亮迎魚敬反

月乙亥陳侯林卒

無傳未同盟而赴以名

王使榮叔來

錫桓公命

無傳榮叔周大夫榮氏叔字錫賜也追命桓公褒稱其德若昭七年

王追命衛襄之比

王姬歸于齊

無傳不書逆與接

齊師遷

紀邾鄆郚

無傳齊欲滅紀故徙其三邑之民而取其地邾在東莞臨朐縣東南

郚在朱虛縣東南北海都昌縣西有訾城○邾蒲丁反鄆子斯反鄆音吾胸其俱反訾子

斯反

傳元年春不稱即位文姜出故也

文姜與桓俱行而桓

為齊所殺故不敢還莊公父弑母出故不忍行即位之禮據文姜未還故傳稱文姜出也

姜於是感公意而還

三月夫人孫于齊不稱姜

氏絕不為親禮也

姜氏齊姓於文姜之義宜與齊絕而復奔齊故於其

奔去姜氏以示義

秋築王姬之館于外為外禮也

齊疆

魯弱又委罪於彭生魯不能離齊然喪制未闕故異其禮得禮之變○闕苦穴反

經二年春王二月葬陳莊公

無傳魯往會之故書例在昭六年

夏公子慶父帥師伐於餘丘

無傳於餘丘國名也莊公

時年十五則慶父莊公庶兄

秋七月齊王姬卒

無傳魯為之主比之

內冬十有二月夫人姜氏會齊侯于禚

夫人行不

以禮故還皆不書不告廟也禚齊地○禚諸若反

乙酉宋公馮卒

無傳

再與桓同盟馮皮冰反

傳二年冬夫人姜氏會齊侯于禚書姦也文

前與公俱如齊後懼而出奔至此始與齊好會會非夫人之事顯然書之傳曰書姦姦在夫人文姜比年出會其義皆同

經三年春王正月溺會齊師伐衛溺魯大夫

而行故去氏溺乃狄反去起呂反夏四月葬宋莊公無傳五月

葬桓王秋紀季以鄆入于齊季紀侯弟鄆紀邑在齊國東安

平縣齊欲滅紀故季以邑入齊為附庸先祀不廢社稷有奉故書字貴之鄆戶圭反

冬公次于滑滑鄭地在陳留襄邑縣西北傳

加所次則書之既書兵所加則不書其所次以事為宜非虛次

傳三年春溺會齊師伐衛疾之也傳重明夏

五月葬桓王緩也以桓十五年三月崩秋紀

季以鄆入于齊紀於是乎始判判分也言分

此冬公次于滑將會鄭伯謀紀故也鄭伯辭

以難厲公在櫟故凡師一宿為舍再宿

為信過信為次為經書次例也舍宿不

經四年春王二月夫人姜氏享齊侯于祝丘

無傳享食也兩君相見之禮非夫人所用直書以見其失祝丘魯地食音嗣又如字

三月紀伯姬卒無傳隱二年裂繻所逆者內

成於敵體於夏齊侯陳侯鄭伯遇于垂無紀侯大去

其國以國與季季奉社稷故不言滅不見六

月乙丑齊侯葬紀伯姬無傳紀季入鄭為齊

國齊侯加禮初附以崇厚義故攝秋七月冬

公及齊人狩于禚無傳公越竟與齊微者俱

傳四年春王三月楚武王荆尸授師子焉以

伐隨尸陳也荆亦楚也更為楚陳兵之法揚

戟為陳子吉熱反方言云將齊入告夫人

鄧曼曰余心蕩將授兵於廟故齊蕩鄧曼歎

曰王祿盡矣盈而蕩天之道也先君其知之

矣故臨武事將發大命而蕩王志焉楚為小

在夷至此武王始起其衆僭號稱王陳兵授

師志意盈滿臨齊而散故鄧曼以天地鬼神

為徵應若師徒無虧王薨於行國之福也王

於行不王遂行卒於楸木之下楸木木名○

武元反莫昆反又令尹鬬祁莫敖屈重除道梁澐營

軍臨隨隨人懼行成時祕王喪故為奇兵更

縣西東南入鄭水梁橋也隨人不意其至故

懼而行成○重直用反一直容反澐側嫁反

鄭音莫敖以王命入盟隨侯且請為會於漢

汭而還

汭內也。謂漢西。如銳反。水曲曰汭。

濟漢而後發喪。

紀侯不能下齊以與紀季

不能降屈事齊。盡以國與季。明季不

叛夏紀侯去其國違齊難也

違辭也。難乃曰反。

經五年春王正月夏夫人姜氏如齊師

無傳。書茲

秋邠犁來來朝

附庸國也。東海昌慮縣東北有邠城。犁來名。邠五兮反。

冬公會齊人宋人陳人蔡人伐衛

傳五年秋邠犁來來朝名未王命也

未受爵命為諸

侯傳發附庸稱名例也。其後數從齊桓以尊周室。王命以為小邾子。數音朔。冬伐

衛納惠公也

惠公朔也。桓十

經六年春王正月王人子突救衛

王人王之微官也。雖

官卑而見授以大事。故稱人。而又稱字。

夏六月衛侯朔入于衛

朔為諸侯所納。不稱歸而以國逆為文。朔懼失衆心以國逆告也。歸入例在成十八年。

秋公至自伐衛

無傳。告於廟也。

螟

無傳。為災。

冬齊人

來歸衛俘

公羊穀梁經傳皆言衛寶。此傳亦言寶。唯此經言俘。疑經誤。俘囚也。

○俘芳夫反

傳六年春王人救衛夏衛侯入放公子黔牟

于周放甯跪于秦殺左公子洩右公子職

甯晚

○衛大夫宥之以遠曰放。乃即位。君子以二公

子之立黔牟為不度矣夫能固位者必度其本末而後立衷焉不知其本不謀知本之不

枝弗強本末終始也衷節適也譬之樹木本弱其枝必披非人力所能強成

度待洛反下同衷丁仲反王音忠詩云本枝強其丈反披普靡反又普加反

百世詩大雅言文王本枝俱茂蕃滋百世也冬齊人來歸衛寶

文姜請之也公親與齊共伐衛事畢而還文姜淫於齊侯故求其所獲珍寶

使以歸魯欲說魯以謝慙說音悅楚文王伐申過鄧鄧祁侯

曰吾甥也祁諡也姊妹止而享之騅甥聃甥

養甥請殺楚子皆鄧甥仕於舅氏也騅音佳鄧侯弗許三

甥曰亡鄧國者必此人也若不早圖後君噬

齊若齧腹齊喻不可及其及圖之乎圖之此為時矣鄧

侯曰人將不食吾餘言自害其甥必為人所賤對曰若不

從三臣抑社稷實不血食而君焉取餘言君無復餘焉

弗從還年楚子伐鄧伐申還於虔反十六年

楚復伐鄧滅之魯莊公十六年楚終強盛為經書楚事張本

經七年春夫人姜氏會齊侯于防防魯地夏四

月辛卯夜恒星不見恒常也謂常見之星辛卯四月五日月光尚微

蓋時無雲日光不以昏沒見賢遍反夜中星隕如雨如而也夜半乃

有雲。星落而且雨。其數多。皆記異也。日光不
匿。恒星不見。而云夜中者。以水漏知之。○
丁仲反。又如秋。大水。無麥苗。今五月。周之
字。陶干。閔反。傳。無麥苗。秋。平地出水。
漂殺熟麥。及五稼。反。冬。夫人姜氏會齊侯于穀。
之苗。○漂。四妙反。無傳。穀。齊地。今
濟北。穀。城縣。

傳。七年春。文姜會齊侯于防。齊志也。

文姜數與齊侯

會。至齊地。則茲發夫人。至魯地。則齊侯。數音朔。夏。恒

星不見。夜明也。星隕如雨。與雨偕也。

偕。俱也。秋。

無麥苗。不害嘉穀也。

黍稷尚可更種。故曰不害嘉穀。

經。八年春。王正月。師次于郎。以俟陳人。蔡人

無傳。期共伐邾。陳蔡不至。故駐師于郎。以待之。甲午。治兵。

治兵於廟。習號令。將以圍。夏。師及齊師圍邾。邾降于齊師。

獨納邾。秋。師還。時史善。公克已復禮。全冬。

十有一月。癸未。齊無知弒其君諸兒。

稱臣。臣之罪也。

○兒。如字。一音五兮反。

傳。八年春。治兵于廟。禮也。夏。師及齊師圍邾。

邾降于齊師。仲慶父請伐齊師。

齊不與魯共。其功。故欲伐之。公曰。不可。我實不德。齊師何罪。罪我之由。

夏。書曰。臯陶邁種德。

夏書。逸書也。稱臯陶能勉種德。邁。勉也。德。

乃降姑務脩德以待時乎

言苟有德乃為人

秋師還君子是以善魯莊公

傳言經所以即用舊史之文

齊侯使連稱管至父戍葵丘

連稱管至父皆齊大夫戍守也

葵丘齊地臨淄縣西有地名葵丘。稱尺證反。又如字。

瓜時而往曰及

瓜而代期戍公問不至

問命也。期音基。

請代弗許

故謀作亂僖公之母弟曰夷仲年生公孫無

知有寵於僖公衣服禮秩如適

適丁歷反。襄

公絀之二人因之以作亂

二人連稱管至父。絀勅律反。連

稱有從妹在公宮無寵使間公

伺公之間隙。從才用反。

下曰捷吾以女為夫人

捷克也。宣無知之。言捷在接反。女音汝。

冬十二月齊侯游于姑棼遂田于貝丘

姑棼。貝丘。

皆齊地。田獵也。樂安博昌縣南有地名貝丘。蔡扶云反。見補蓋反。見大豕從

者曰公子彭生也

公見大豕而從者。見彭生皆妖鬼。

公怒曰

彭生敢見射之豕人立而啼公懼隊于車傷

足喪屨反誅屨於徒人費

誅責也。見賢通反。射食亦反。隊直

類反。喪息浪反。費音秘。

弗得鞭之見血走出遇賊于門

劫而束之費曰我奚御哉袒而示之背信之

費請先入

詐欲助賊。魚呂反。袒音但。

伏公而出鬪死于

門中石之紛如死于階下石之紛如齊遂入

殺孟陽于牀孟陽亦小臣曰非君也不類見

公之足于戶下遂弑之而立無知經書十一月癸未長

曆推之月六日也初襄公立無常政令無常鮑叔

牙曰君使民慢亂將作矣奉公子小白出奔

莒鮑叔牙小白傳小白信亂作管夷吾召忽

奉公子糾來奔管夷吾召忽皆子糾傳也子

也為九年公伐齊納子糾齊初公孫無知虐

于雍廩雍廩齊大夫

經九年春齊人殺無知無知弑君而立未列

成十年公及齊大夫盟于斂齊亂無君故大夫

子糾也來者非一人故不稱名斂魯夏公伐

齊納子糾齊小白入于齊雖盟而迎子糾當

須伐乃得入又出在小白之後秋七月丁酉

葬齊襄公無傳九月八月庚申及齊師戰于

乾時我師敗績小白既定而公猶不退師歷

公敗諱之乾時齊地時水在樂安界九月齊

人取子糾殺之公子為賊亂則書齊實告殺

在請以求管仲。非不忍其親。故極言之。惡烏路反。調古穴反。冬浚洙洙水在魯城北。下合泗。浚深之。為齊備。

傳九年春。雍廩殺無知。公及齊大夫盟于莒。

齊無君也。夏。公伐齊。納子糾。桓公自莒先入。

桓公。秋。師及齊師戰于乾時。我師敗績。公喪。

戎路。傳乘而歸。戎路。兵車。傳乘。乘他車。如字。息浪反。乘繩證反。乘他。如字。

秦子梁子。以公旗辟于下道。二子。公御及戎右也。以誤齊師。

音避。辟。是以皆止也。止。獲。鮑叔帥師來言曰。子糾

親也。請君討之。鮑叔乘勝而進軍。志在生管得管仲。故託不忍之辭。管

召讎也。請受而甘心焉。管仲射桓公。故曰讎。甘心。言欲快意戮殺之。

乃殺子糾于生竇。生竇。魯地。竇音豆。召忽死之。管

仲請囚鮑叔受之。及堂阜而稅之。堂阜。齊地。東莞蒙陰縣西北有夷吾亭。或曰鮑叔解夷吾縛。於此。因以為名。稅。土活反。一失銳反。歸而

以告曰。管夷吾治於高僂也。高僂。齊卿高敬仲也。言管仲治理政事之才多於敬仲。使相可也。公從之。相。息亮反。

經十年春。王正月。公敗齊師于長勺。齊人雖以權譎稽之。列成而不得用。故以未陳為文。例在十一年。長勺。魯地。勺。上酌反。陳直觀反。

二月。公侵宋。無傳。侵例在二十九年。三月。宋人遷宿

二月。公侵宋。無傳。侵例在二十九年。三月。宋人遷宿

三月。宋人遷宿

無傳。宋強遷之。而取其地。故夏六月。齊師宋

師次于郎。不言侵伐。齊為兵主。背公敗宋師

于乘丘。乘丘魯地。證反。秋九月。荆敗蔡師于莘

荆楚本號。後改為楚。楚辟陋在夷。於此始通

中國。然告命之辭。猶未合典禮。故不稱將帥

莘。蔡地。○莘所巾反。○將子匠反。○帥所類反。以蔡侯獻舞歸。蔡季冬

十月。齊師滅譚。譚國在濟南平陵縣西南。傳

經無義例。他皆放此。譚無禮。此直釋所以見滅。

減例在文十五年。譚子奔莒。不言出奔。國

傳十年春。齊師伐我。不書侵伐。齊背公將戰

曹劌請見。曹劌魯人。○劌古其鄉人曰肉食

者謀之。又何閒焉。肉食在位者。閒猶劌曰肉

食者鄙。未能遠謀。乃入見。問何以戰。公曰衣

食所安。弗敢專也。必以分人。對曰小惠未徧

民弗從也。分公衣食。所惠不徧。公曰犧牲玉帛

弗敢加也。必以信。祝辭不敢以小。對曰小信

未孚。神弗福也。孚大信也。公曰小大之獄。雖不能

察。必以情。必盡已情。察審也。對曰忠之屬也。上思利

可以一戰。戰則請從。公與之乘。共乘兵車。○

從去聲。○乘繩戰于長勺。公將鼓之。劌曰未可。齊人三鼓。

劇曰可矣齊師敗績公將馳之劇曰未可下

視其轍視車跡也。息暫反。又如字。登軾而望之曰可矣

遂逐齊師既克公問其故對曰夫戰勇氣也

一鼓作氣再而衰三而竭彼竭我盈故克之

夫大國難測也懼有伏焉恐詐吾視其轍亂

望其旗靡故逐之旗靡轍亂。怖遽。夏六月齊師宋師

次于郎公子偃曰宋師不整可敗也公子偃魯大夫

宋敗齊必還請擊之公弗許自雩門竊出蒙

臯比而先犯之雩門魯南城門。臯比音毗。公從之大

敗宋師于乘丘齊師乃還蔡哀侯娶于陳息

侯亦娶焉息媯將歸過蔡蔡侯曰吾姨也妻之

姊妹曰媯。止而見之弗賓不禮也。息侯聞之怒使謂

楚文王曰伐我吾求救於蔡而伐之楚子從

之秋九月楚敗蔡師于莘以蔡侯獻舞歸齊

侯之出也過譚譚不禮焉及其入也諸侯皆

賀譚又不至以九年入。過平聲。冬齊師滅譚譚無禮

也譚子奔莒同盟故也傳言譚不能及遠所以亡。

經十有一年春王正月無傳。夏五月戊寅公敗

宋師于鄆鄆魯地。傳例曰。敵未陳。秋宋大水。

公使弔之。故書。冬王姬歸于齊魯主昏。不書齊侯逆。不見公。

傳十一年夏宋為乘丘之役故侵我公禦之。

宋師未陳而薄之敗諸鄆凡師敵未陳曰敗。

某師通謂設權譎變詐以勝敵。彼我不得成列。成列而不得用。故以未陳獨敗為文。

為乘。于偽。皆陳曰戰堅而有備。各得其所。成敗決於志力者也。

大崩曰敗績師徒撓敗。若沮岸崩山。喪其功績。故曰敗績。○撓乃孝反。一音

乃巧反。沮在呂反。壞也。一得僬曰克謂若犬音子餘反。岸崩謂之沮。

比。才力足以服衆。威權足以自固。進不成為外寇強敵。退復狡壯。有二君之難。而實非二

君。克而勝之。則不言彼敗績。但書所克之名。○僬音俊。覆而敗之曰取。

某師覆。謂威力兼備。若羅網所掩。覆一軍皆見禽制。故以取為文。京師敗。

曰王師敗績于某王者無敵於天下。天下非所得與戰者。然春秋之世。

據有其事。事列於經。則不得不因申其義。有時而敗。則以自敗為文。明天下莫之得校。

校音。秋宋大水公使弔焉曰天作淫雨害於

粢盛若之何不弔不為天所愍。弔對曰。孤實不敬。天

降之災。又以為君憂拜命之辱謝辱。厚命。臧文仲

曰宋其興乎臧文仲。魯大夫。禹湯罪已其興也悖焉。

悖。盛貌。一作勃。忽反。桀紂罪人其亡也忽焉忽。速貌。

且列國有凶稱孤禮也

列國諸侯無凶則常稱寡人

言懼

而名禮其庶乎

言懼罪已名禮稱孤其庶庶幾於興言懼而名禮絕句

既而聞之曰公子御說之辭也

宋莊公子御說

悅臧孫達曰是宜為君有恤民之心冬齊侯

來逆共姬

齊桓公也

乘丘之役

在十年

公以金

僕姑射南宮長萬

僕姑矢名南宮長萬宋大夫射食亦反長丁丈

反公右欲孫生搏之

搏取也為卿不書獲萬時未

博宋人請之宋公靳之

戲而相愧曰靳魯聽

服云恥而惡之曰靳曰始吾敬子今子魯囚也吾弗敬

子矣病之

萬不以為戲而以為已病為宋萬弒君傳

經十有二年春王三月紀叔姬歸于鄆

無傳紀侯

去國而死叔姬歸魯紀季自定於齊而後歸之全守節義以終婦道故繫之紀而以初嫁

為文賢之也來歸不書非

夏四月秋八月甲

午宋萬弒其君捷及其大夫仇牧

捷閔公不書葬亂也

萬及仇牧皆宋卿仇牧稱名不警而遇賊無善事可褒

冬十月宋萬出

奔陳

奔例在宣十年

傳十二年秋宋萬弒閔公于蒙澤

蒙澤宋地梁國有蒙

縣遇仇牧于門批而殺之

手批之也批普迷反又蒲穴反擊

也遇大宰督于東宮之西又殺之殺督不書宋不以告

音泰立子游子游宋公子羣公子奔蕭公子御說

奔亳蕭宋邑今沛國蕭縣亳宋邑蒙縣西北有亳城南宮牛猛獲帥

師圍亳牛長萬之子冬十月蕭叔大心叔蕭大夫

及戴武宣穆莊之族宋五公子孫以曹師伐之

殺南宮牛于師殺子游于宋立桓公桓公御說猛

獲奔衛南宮萬奔陳以乘車輦其母一日而

至乘車非兵車駕人曰輦宋去陳二百六十里言萬之多力乘繩證反宋人

請猛獲于衛衛人欲勿與石祁子曰不可石祁

子衛大夫天下之惡一也惡於宋而保於我保之

何補得一夫而失一國與惡而弃好非謀也

宋衛本同好國衛人歸之亦請南宮萬于陳

以賂陳人使婦人飲之酒而以犀革裹之比

及宋手足皆見宋人皆醢之醢肉醬并醢猛獲故言皆請

經十有三年春齊侯宋人陳人蔡人邾人會

于北杏北杏齊地夏六月齊人滅遂遂國在濟

于北杏北杏齊地夏六月齊人滅遂遂國在濟

北蛇丘縣東七月冬公會齊侯盟于柯此

北蛇音移秋七月冬公會齊侯盟于柯此

今濟北東阿。齊之阿邑。猶祝柯。今為祝阿。柯古何反。

傳十三年春會于北杏以平宋亂宋有弒君之亂齊桓

欲脩霸業遂人不至夏齊人滅遂而戍之也。守冬。

盟于柯始及齊平也始與齊桓通好宋人背北杏之

會音佩

經十有四年春齊人陳人曹人伐宋背北杏會故

夏單伯會伐宋既伐宋單伯乃至故曰秋七

月荆入蔡入例在文冬單伯會齊侯宋公衛

侯鄭伯于鄆鄆衛地今東郡鄆城也齊桓脩霸業卒平宋亂宋人服從欲歸

功天子故赴以單伯會諸侯為文。鄆音絹。一音真。

傳十四年春諸侯伐宋齊請師于周齊欲崇天子故

請師假王命以示大順經書夏單伯會之取

成于宋而還鄭厲公自櫟侵鄭厲公以桓十五年入櫟遂

居之。櫟音歷。及大陵獲傅瑕大陵鄭地。傅瑕鄭大夫。傅瑕曰

苟舍我吾請納君與之盟而赦之六月甲子

傅瑕殺鄭子及其二子而納厲公鄭子莊四年稱伯會

諸侯今見殺不稱君無諡者微弱臣初內蛇

與外蛇鬪於鄭南門中內蛇死六年而厲公

入公聞之問於申繻曰猶有妖乎對曰人之

所忌其氣燄以取之妖由人興也尚書洛誥無若火始

燄燄未盛而進退之時以人無覺焉妖不自

作人奔常則妖興故有妖厲公入遂殺傅瑕

使謂原繁曰傅瑕貳言有二心於已周有常

刑既伏其罪矣納我而無二心者吾皆許之

上大夫之事吾願與伯父圖之上大夫卿也伯父謂原繁

疑原繁有且寡人出伯父無裏言無納我入又

不念寡人不親附已寡人憾焉對曰先君桓公命

我先人典司宗祏桓公鄭始受封君也宗祏宗廟中藏主石室言已世

為宗廟守臣音石守手又反社稷有主而外其心其何

貳如之苟主社稷國內之民其誰不為臣臣

無二心天之制也子儀在位十四年矣子儀鄭子

也而謀召君者庸非貳乎庸用也莊公之子猶

有八人若皆以官爵行賂勸貳而可以濟事

君其若之何臣聞命矣乃縊而死莊公子猶有八人

傳唯見四人子忽子亶子儀並死蔡哀侯為

莘故繩息媯以語楚子莘役在十年繩譽也為莘于偽反語魚

據反繩楚子如息以食入享遂滅息偽設享食承反

音嗣以息媯歸生堵敖及成王焉未言未與王言

占反堵楚子問之對曰吾一婦人而事二夫

縱弗能死其又奚言楚子以蔡侯滅息遂伐

蔡欲以說息媯秋七月楚入蔡君子曰商書

所謂惡之易也如火之燎于原不可鄉邇其

猶可撲滅者其如蔡哀侯乎商書盤庚言惡易長而難滅

冬會于鄆宋服故也

經十有五年春齊侯宋公陳侯衛侯鄭伯會

于鄆夏夫人姜氏如齊無傳夫人文姜齊桓公姊妹父母在則禮

有歸寧沒則使卿寧秋宋人齊人邾人伐郕宋主兵故序齊上

鄭人侵宋冬十月

傳十五年春復會焉齊始霸也始為諸侯長復扶又反

秋諸侯為宋伐郕郕附庸屬宋而叛故齊桓為之伐郕鄭人閒

之而侵宋

經十有六年春王正月夏宋人齊人衛人伐

鄭宋主兵也班序上下以國大小為次征伐則以主兵為先春秋之常也他皆放此

秋荆伐鄭冬十有二月會齊侯宋公陳侯衛

侯鄭伯許男滑伯滕子同盟于幽

書會魯會之。不書其

人微者也。言同盟服異也。陳國小。每盟會皆在衛下。齊桓始霸。楚亦始疆。陳侯介於二大

國之間。而為三恪之客。故齊桓因而進之。遂班在衛上。終於春秋。滑國都費。河南緱氏縣。

幽。宋地。賈扶味反。邾子克卒。無傳。克。儀父又音祕。緱。古侯反。稱子者。蓋

齊桓請王命以爲諸侯。再同盟。

傳十六年夏諸侯伐鄭宋故也

鄭侵宋故也

鄭伯自櫟入在十年緩告于楚秋楚伐鄭及櫟為不禮

故也鄭伯治與於雍糾之亂者

在桓十五年。為干偽反。

與音九月殺公子闕則強鉏二子。祭仲黨。斷預。音。足。日。刑。闕。安。

未反。削音月。又五。刮反。鉏仕魚反。

公父定叔出奔衛共叔段之孫。定。

也謚二年而復之曰不可使共叔無後於鄭使

以十月入曰良月也就盈數焉

數滿於十君子謂

強鉏不能衛其足

言其不能早辟害。

冬同盟于幽鄭

成也王使虢公命曲沃伯以一軍為晉侯

武公遂并晉國。僖王因就命為晉侯。小國故一軍。

初晉武公伐夷執

夷詭諸

夷詭諸。周大夫。夷采地。名。詭。九委反。

為國請而免之

為國。周大夫。既而弗報。詭諸不報。施於為。故。施。始。鼓。反。

子國作亂謂晉人曰與我伐夷而取其地

取夷地。遂以晉師伐夷，殺夷詭諸。周公忌父出

奔虢。周公忌父，王卿士，辟子國之難。惠王立而復之。魯桓十五年經

書桓王崩，魯莊三年經書葬桓王。自此以來，周有莊王，又有僖王，崩葬皆不見於經傳。王

室微弱，不能復自通於諸侯，故傳因周公忌父之事而見惠王。惠王立在此年之末。

經十有七年春，齊人執鄭詹。齊桓始霸，鄭既

詹為鄭執政大臣，諸齊見執，不稱行人，罪之也。行人例在襄十一年，諸執大夫皆稱人以

執之。大夫賤，故夏齊人殲于遂。殲，盡也。齊人

備，遂人討而盡殺之，故時史秋鄭詹自齊逃來。無傳，詹不能伏節守死，以解國

患，而遁逃苟免，書逃以賤之。冬，多麋。無傳

麋多則害五稼，故以災書。麋，亡悲反。

傳十七年春，齊人執鄭詹，鄭不朝也。夏，遂因

氏頷氏，工婁氏，須遂氏，饗齊戍，醉而殺之。齊

人殲焉。饗，酒食也。四族，遂之疆宗。齊滅遂，戍

之。在十三年。頷，鳥納反。又苦荅反。經十有八年春，王二月，日有食之。無傳，不書

日，官失之。夏，公追戎于濟西。戎來侵魯，公逐之於濟水之西。秋，有蜚。

蜚，音或。本草謂之射工。冬，十月

傳十八年春，虢公晉侯朝王，王饗醴，命之宥

王之觀羣后，始則行饗禮，先置醴酒，示不忘古。飲宴則命以幣物，宥，助也。所以助歡敬之

意言皆賜玉五穀馬三匹非禮也。雙玉為穀。穀音角。

王命諸侯名位不同禮亦異數不以禮假人

侯而與公同禮。虢公晉侯鄭伯使原莊公逆王

后于陳陳媯歸于京師。虢晉朝王鄭伯又以齊執其卿故求王為

授皆在周倡義為王定昏陳人敬從得實惠

后。陳媯後號惠后寵愛少子亂周室事在僖二十四年故傳於此竝正其稱。稱尺。

證夏公追戎于濟西不言其來諱之也。戎來

魯人不知去乃追秋有蜚為災也初楚武王

克權使鬪緡尹之。權國名南郡當陽縣東南有權城鬪緡楚大夫。緡

亡中以叛圍而殺之。緡以權叛。句遷權於那處

那處楚地南郡編縣東南有那口城使閻敖

尹之。閻敖楚大夫及文王即位與巴人伐申而驚

其師。驚巴師巴人叛楚而伐那處取之遂門于

楚。攻楚城門閻敖游涌而逸。涌水在南郡華容縣閻敖既不能守城又

游涌水而走楚子殺之其族為亂冬巴人因

之以伐楚

經十有九年春王正月夏四月秋公子結媵

陳人之婦于鄆遂及齊侯宋公盟。無傳。公子結魯大夫。

公羊穀梁皆以為魯女媵陳侯之婦。其稱陳人之婦。未入國。略言也。大夫出竟。有可以安社稷利國家者。則專之可也。結在野。聞齊宋有會。權事之宜。去其本職。遂與二君為盟。故備書之。本非魯公意。而又夫人姜氏如莒。無失媵陳之好。故冬各來伐。夫人姜氏如莒。無非父母國。冬齊人宋人陳人伐我西鄙。無傳。而往。書姦。盟。魯使微者會。鄆之盟。又使媵。臣行。所以受敵。鄙邊邑。

傳十九年春。楚子禦之。大敗於津。津。楚地。或曰。江陵縣有津鄉。禦。巴人所敗。為

還。鬻拳弗納。遂伐黃。鬻拳。楚大閹。黃。嬴姓國。今弋陽縣。音育。

敗黃師于蹇陵。蹇陵。黃地。音七。還。及湫。有疾。南郡都縣東南有湫城。夏。略反。

六月庚申卒。鬻拳葬諸夕室。夕室。地名。亦自殺也。

而葬於經。皇。經。皇。冢前闕。生守門。故初。鬻拳死。不失職。經。田結反。初。鬻拳

強諫。楚子弗從。臨之以兵。懼而從之。鬻

拳曰。吾懼君以兵。罪莫大焉。遂自刎也。楚人

以為大閹。謂之大伯。若。今城門校尉官。音泰。使

其後掌之。使其子孫。常主此官。君子曰。鬻拳可謂愛君

矣。諫以自納於刑。刑猶不忘。納君於善。言愛君。明。

非臣法也。楚能盡其忠愛。所以興。

初。王姚嬖于莊王。生子頹。

王姚。莊王之妾也。姚。姓也。子頹有寵。為國為之師。及惠王

即位周惠王取為國之圃以為園圃。園也。莊王孫邊

伯之宮近於王宮王取之邊伯。周大夫王奪子禽

祝跪與詹父田二子。周大夫。跪求委反而收膳夫之秩

膳夫。石速也。秩。祿也故為國邊伯石速詹父子禽祝跪

作亂因蘇氏蘇氏。周大夫。桓王奪其十二邑。以與鄭。自此以來遂不和秋

五大夫奉子頹以伐王石速。士也。故不不克

出奔温温。蘇氏邑蘇子奉子頹以奔衛衛師燕師

伐周燕。南冬立子頹

經二十年春王二月夫人姜氏如莒無傳夏齊

大災無傳。來告以大。故書。天火曰災。例在宣十六年秋七月冬齊人

伐我無傳

傳二十年春鄭伯和王室不克克。能也執燕仲

父燕仲父。南燕。伯為伐周故夏鄭伯遂以王歸王處于櫟

秋王及鄭伯入于鄆鄆。王所取鄭邑。音鳩遂入成周

取其寶器而還冬王子頹享五大夫樂及徧

舞皆舞。六代之樂鄭伯聞之見虢叔叔。虢公字曰寡人聞

之哀樂失時殃咎必至今王子頹歌舞不倦

樂禍也夫司寇行戮司寇。刑官。樂。音洛君為之不舉

去盛而况敢樂禍乎。奸王之位禍孰大焉。臨

禍忘憂。憂必及之。盍納王乎。虢公曰：寡人之

願也。盍。胡臘反。

經二十有一年春。王正月。夏五月。辛酉。鄭伯

突卒。十六年與魯大夫盟于幽。秋七月。戊戌。夫人姜氏薨。

無傳。薨寢。祔姑。赴於諸侯。故具小君禮書之。冬十有二月。葬鄭厲

公。無傳。八月乃葬。緩慢也。

傳二十一年春。晉命于弭。夏同伐王城。鄭虢相命

也。弭。鄭地。理。面。爾。反。鄭伯將王自圍門入。虢叔自北

門入。殺王子頹。及五大夫。鄭伯享王子闕。西

辟樂備。闕。象魏也。樂備。備六代之樂。備。呂反。王與之武

公之略。自虎牢以東。略。界也。鄭武公傳平王。平王賜之。自虎牢以東。

後失其地。故惠王今復與之。虎牢。河南成臯縣。原伯曰：鄭伯效尤。其

亦將有咎。原伯。原莊公也。言效子頹。舞。徧樂。五月。鄭厲公卒。

王巡虢守。巡。守於虢國也。天子省。音狩。虢公為王

宮于珙。珙。虢地。音蒲。項反。王與之酒泉。鄭伯之

享王也。王以后之鞶。鑑予之。后。王后也。鞶。帶。而。以。鑑。為。飾。也。

今西方羌胡。猶然。古之遺服。虢公請器。王子之爵。爵。飲。

酒器鄭伯由是始惡於王

為僖二十四年鄭執王使張本。惡烏路

反冬王歸自虢

傳言王之偏也

經二十有二年春王正月肆大眚

無傳。赦有罪也。易稱

赦過宥罪。書稱眚災肆赦。傳稱肆眚。圍鄭皆故。赦罪人。盪滌衆故。以新其心。有時而用之。

非制所常。故書。癸丑葬我小君文姜

無傳。反哭成喪。

故稱陳人殺其公子御寇

宣公大子也。陳人惡其殺大子之名。

故不稱君父。以國討。夏五月秋七月丙申及

齊高傒盟于防

無傳。高傒齊之貴卿。而與魯微者盟。齊拒謙接諸侯。以

崇霸業。冬公如齊納幣。幣無傳。公不使卿而親納幣。非禮也。母喪未再期。

而圖昏。二傳不見所譏。左氏又無傳。失禮明故。

傳二十二年春陳人殺其大子御寇

傳稱大子以實

陳公子完與顓孫奔齊

公子完。顓孫皆御寇之黨。顓孫

自齊來奔

不書。齊侯使敬仲為卿。敬仲陳辭。公子完辭

曰羈旅之臣

羈寄也。幸若獲宥。及於寬政。宥

也。赦其不閑於教訓而免於罪戾。弛於負擔

弛去。離也。君之惠也。所獲多矣。敢辱高位。以速官

謗

敢不。請以死告。自誓。詩云。翹翹車乘。招我

以弓。豈不欲往。畏我友朋

逸詩也。翹翹遠貌。古者聘士以弓言

雖貪顯命。懼為刃友。所譏責。○(乘)繩證反。使為工正。掌百工之官。飲桓

公酒樂。齊桓賢之。故就其家會。據主人之辭。故言飲。桓公酒。○(飲)於鳩反。(樂)音洛。

公曰。以火繼之。辭曰。臣卜其晝。未卜其夜。不

敢。君子曰。酒以成禮。不繼以淫。義也。夜飲為淫樂。

以君成禮。弗納於淫。仁也。初。懿氏卜其妻敬仲

懿氏。陳大夫。龜曰。其妻占之。曰吉。妻。懿氏。是謂

鳳皇于飛。和鳴鏘鏘。雄曰鳳。雌曰皇。雄雌俱飛相和而鳴。鏘鏘然。猶

敬仲。夫妻相隨。適齊。有聲譽。有媯之後。將育于姜。媯。陳姓。姜。齊姓。

五世其昌。並于正卿。八世之後。莫之與京。大京。

也。陳厲公蔡出也。姊妹之。子曰出。故蔡人殺五父而

立之。五父。陳佗也。殺。陳佗在桓六年。生敬仲。其少也。周史有

以周易見陳侯者。周大史也。少。詩照反。陳侯使筮之

著曰。筮。遇觀。坤下巽上。觀。古亂反。之否。坤下乾上。

否。觀六四爻。變而為否。曰。是謂觀國之光。利用賓于王

此周易觀卦六四爻辭。易之為書。六爻皆此有變象。又有互體。聖人隨其義而論之。此

其代陳有國乎。不在此。其在異國。非此其身。

在其子孫。光遠而自他有耀者也。坤土也。巽

風也。乾天也。風為天於土上。山也。巽變為乾。故曰風為

天。自二至四有良象。良為山。有山之材而照之以天光於

是乎居士上。山則材之所生。上有乾。下有坤。故言居士上。照之以天光。故

曰觀國之光。利用賓于王。四為諸侯。變而之乾。有國朝王之象。

庭實旅百。奉之以玉帛。天地之美具焉。故曰

利用賓于王。良為門庭。乾為金玉。坤為布帛。諸侯朝王。陳贄幣之象。旅。陳也。

百言猶有觀焉。故曰其在後乎。因觀文以博物備。故言猶有。

觀。非在己之言。故知在子孫。風行而著於土。故曰其在異

國乎。若在異國。必姜姓也。姜。大嶽之後也。姜

之先。為堯四嶽。著直略反。山嶽則配天。物莫能兩大。陳

衰。此其昌乎。變而象良。故知當興於大嶽之後。得大嶽之權。則有配天之功。

及陳之初亡也。昭八年。楚滅陳。陳桓子始大

於齊。桓子。敬仲。五世孫。陳無字。其後亡也。哀十七年。楚復滅陳。成子

得政。成子。陳常也。敬仲八世孫。陳完有禮於齊。子孫世不忘德。德協於上。故傳備言。

其終始。卜筮者。聖人所以定猶豫。決疑似。因生義教者也。尚書洪範。通龜筮以同卿士之

數。南蒯卜亂而遇元吉。惠伯荅以忠信則可。臧會卜僭。遂獲其應。丘明故舉諸縣。驗於行

事者。以示來世。而君子志其善者。遠者。他皆放此。○蒯苦怪反。

經二十有二年春。公至自齊。傳祭叔來聘。傳無

穀梁以祭叔為祭公來聘。魯天子內臣。不得外交。故不言使。不與其得使聘。○祭側界反。

夏公如齊觀社齊因祭社蒐軍實故公往觀之公至自齊無傳

荆人來聘無傳不書荆子使某來聘君臣同辭者蓋楚之始通未成其禮公

及齊侯遇于穀穀音谷無傳蕭叔朝公庸國叔名無傳蕭附

就穀朝公故不言來凡在外朝則禮不得具嘉禮不野合秋丹桓宮楹桓

廟也楹柱也冬十有一月曹伯射姑卒無傳未同盟而赴以

名。射示亦反又音亦十有二月甲寅公會齊侯盟于

扈無傳扈鄭地在滎陽卷縣西北扈音戶卷音權

傳二十三年夏公如齊觀社非禮也曹劌諫

曰不可夫禮所以整民也故會以訓上下之

則制財用之節貢賦多少朝以正班爵之義帥長

幼之序征伐以討其不然不然不用命諸侯有王

從王事王有巡守省四方以大習之太習會朝之禮非是

君不舉矣君舉必書書於策書而不法後嗣何

觀晉桓莊之族偪桓叔莊伯之子孫強盛偪迫公室偪彼力反獻

公患之士蔦曰去富子則羣公子可謀也已

士蔦晉大夫富子二族之富強者蔦于委反去起呂反公曰爾試其事

士蔦與羣公子謀譖富子而去之以罪狀誣之同族惡

其富強故士蔦得因而間之則似信離其骨肉則黨弱羣公子終所以見

戒。路反。秋丹桓宮之楹。

經二十有四年春王三月刻桓宮桷。桷。椽也。

將逆夫人。故為盛飾。葬曹莊公。無傳。夏公如齊逆女。無傳。

禮秋公至自齊。無傳。八月丁丑夫人姜氏入。哀

也。公羊傳以為姜氏要公。不與公俱入。蓋以孟任故。丁丑入。而明日乃朝廟。要於遙反。

任音壬。戊寅大夫宗婦覲用幣。宗婦。同姓大

君至。大夫執贄以見。明臣子之道。莊公大水

欲奢夸夫人。故使大夫宗婦同贄俱見。冬我侵曹。曹羈出奔陳。無傳。羈。蓋曹世子也。先君既葬

而不稱爵者。微弱不能自定。曹人以名赴。赤歸于曹。無傳。赤。曹僖公也。蓋為戎

所納。故曰歸。郭公。無傳。蓋經闕誤也。自曹羈以下。通之於左氏。故不採用。

傳二十四年春刻其桷皆非禮也。并非丹楹。故言皆

御孫諫曰臣聞之儉德之共也侈惡之大也。

御孫魯大夫。御魚呂反。先君有共德而君納諸大惡無

乃不可乎。以不丹楹。刻桷為共。秋哀姜至公使宗婦覲

用幣非禮也。傳不言大夫。御孫曰男贄大者

玉帛。公侯伯子男執玉。諸侯世子附庸孤卿執帛。小者禽鳥。卿執

夫執鴈。士執雉。以章物也。章所執之物。別貴賤。女贄不過榛栗

士執雉。物別貴賤。

左傳卷三十一 二十九

棗脩以告虔也

棗。小栗。脩。脯。虔。敬也。皆取其名以示敬。櫟。側巾反。脩。鍛。

脯加薑。桂曰脩。

今男女同贄。是無別也。男女之別。國

之大節也。而由夫人亂之。無乃不可乎。晉士

蔦又與羣公子謀。使殺游氏之二子。

游氏。二子。亦桓

莊之族。

士蔦告晉侯曰。可矣。不過二年。君必無

患。

經二十有五年。春。陳侯使女叔來聘。

女叔。陳卿。女氏。

叔。字。女音汝。

夏五月癸丑。衛侯朔卒。

無傳。惠公也。書名。十六年

與內大夫。盟于幽。

六月辛未朔。日有食之。鼓用牲于

社。

鼓。伐鼓也。用牲以祭。社。傳例曰。非常也。

伯姬歸于杞。

無傳。不書。逆女。

逆者。微。

秋大水。鼓用牲于社于門。

門。國門也。傳例曰。亦非常

也。冬公子友如陳。

無傳。報女叔之聘。諸魯出朝聘。皆書如。不果。彼國必

成其禮。故不稱朝聘。春秋之常也。公子友。莊公之母弟。稱公子者。史策之通言。母弟至親。

異於他臣。其相殺害。則稱弟以示義。至於嘉好之事。兄弟篤睦。非例所與。或稱弟。或稱公

子。仍舊史之文也。母弟例在宣十七年。

傳二十五年。春。陳女叔來聘。始結陳好也。嘉

之。故不名。

季友相魯。原仲相陳。二人有舊。故女叔來聘。季友冬亦報聘。嘉好接

備。卿以字為嘉。則稱名其常也。

夏六月辛未朔。日有食之。鼓

用牲于社非常也

非常鼓之月長歷推之。辛未實七月朔置閏失所故

致月

唯正月之朔慝未作

正月夏之四月。周之六月。謂正陽之

月。今書六月。而傳云唯者。明此月非正。陽月也。慝陰氣。

正音政。慝他得反。

日有

食之。於是乎用幣于社。伐鼓于朝。

日食。歷之常也。然食

於正陽之月。則諸侯用幣于社。請救於上公。伐鼓于朝。退而自責。以明陰不宜侵陽。臣不

宜掩君。以示大義。

秋大水。鼓用牲于社。于門亦非常

也。

失常

凡天災有幣無牲

天災日月食大水也。祈請而已。不用

也。非日月之眚不鼓。

眚猶災也。月侵日為眚。陰陽逆順之事。賢聖所

重。故特鼓之。置所景反。

晉士蒍為使羣公子盡殺游氏之

族。乃城聚而處之。

聚晉邑。

冬。晉侯圍聚。盡殺羣

公子。

卒如士蒍之計。

經二十有六年。春。公伐戎。

無傳。夏。公至自伐戎。

無傳。不稱名。非其罪。例在文七年。

秋。公會宋

人。齊人伐徐。

無傳。宋序齊上。主兵。

冬。十有二月。癸亥朔。

日有食之。

無傳。

傳二十六年。春。晉士蒍為太司空。

大司空。卿官。夏。

士蒍城絳。以深其宮。

絳。晉所都也。今平陽絳邑縣。

秋。虢人

侵晉。冬。虢人又侵晉。

為傳。明年晉將伐虢。張本。此年經傳各自言其

事者。或經是直文。或策書雖存。而簡牘散落。不究其本末。故傳不復申解。但言傳事而已。

經二十有七年春公會杞伯姬于洮伯姬莊公女洮

魯地。洮他刀反。夏六月公會齊侯宋公陳侯鄭伯

同盟于幽秋公子友如陳葬原仲原仲陳大夫原氏仲

字也。禮臣既卒不名。故稱字。季友違禮會外大夫葬。具見其事。亦所以知譏。見賢遍反

冬杞伯姬來傳例曰歸寧莒慶來逆叔姬無傳慶莒大夫

叔姬莊公女。卿自為逆則稱字。例在宣五年。杞伯來朝無傳杞稱伯者。蓋為

時王所黜。公會齊侯于城濮無傳。城濮衛地。將討衛也。

傳二十七年春公會杞伯姬于洮非事也諸非

侯之事天子非展義不巡守天子巡守。所諸侯

非民事不舉。卿非君命不越竟音境夏同盟

于幽陳鄭服也二十二年陳亂而齊納敬仲。二十五年鄭文公之四年。獲

成於楚。皆有二心。於齊。今始服也。秋公子友如陳葬原仲非

禮也原仲季友之舊也冬杞伯姬來歸寧也

寧問父母安否凡諸侯之女歸寧曰來出曰來歸不歸

反之夫人歸寧曰如某出曰歸于某晉侯將

伐虢士蒍曰不可虢公驕若驟得勝於我必

弃其民弃民不養之無衆而後伐之欲禦我誰與

夫禮樂慈愛戰所畜也夫民讓事樂和愛親

哀喪而後可用也上之使民以義讓哀樂為本言不可力強畜勅六

反下同虢弗畜也亟戰將饑言虢不畜義讓而力戰

王使召伯廖賜齊侯命命為侯伯

且請伐衛以其立子頹也立子頹在十九年

經二十有八年春王三月甲寅齊人伐衛衛

人及齊人戰衛人敗績齊侯稱人者諱取賂而還以賤者告不地

夏四月丁未邾子瑱卒無傳未同盟秋

荆伐鄭公會齊人宋人救鄭冬築郟郟魯下邑傳例

大無麥禾書於冬者五穀畢入計食不足而後書也

臧孫辰告糴于齊臧孫辰魯大夫臧文仲

傳二十八年春齊侯伐衛戰敗衛師數之以

王命取賂而還晉獻公娶于賈無子賈姬姓國也

烝於齊姜齊姜武公妾生秦穆夫人及大子申生

又娶二女於戎大戎狐姬生重耳大戎唐叔子孫別在

小戎子生夷吾小戎允姓之戎子也晉伐

驪戎驪戎男女以驪姬驪戎在京兆新豐縣其君姬姓其爵男也

歸生奚齊其娣生卓子驪姬納女於人曰女

莊二十五年

左傳卷三

三

嬖欲立其子。賂外嬖梁五。與東關嬖五。姓梁名五。

在閨闈之外者。東關。嬖五。別在關塞者。亦名五。皆大夫。為獻公所嬖。幸視聽外事。使

言於公曰。曲沃君之宗也。曲沃。桓叔所封。先君宗廟所在。蒲

與二屈君之疆也。蒲。今平陽蒲子縣。二屈。今平陽北屈縣。或云二當為

此。又居勿反。不可以無主。宗邑無主。則民不

威。疆場無主。則啓戎心。戎之生心。民慢其政。

國之患也。若使天子主曲沃。而重耳夷吾主

蒲。與屈則可以威民。而懼戎。且旌君伐。旌。章也。伐。

也。使俱曰。狄之廣莫。於晉為都。晉之啓土。不

亦宜乎。廣莫。狄地之曠絕也。即謂蒲與北屈也。言遣二公子出都之。則晉方當大

開土界。獻公未決。故復使二五俱說此美。晉侯說之。夏。使天子居

曲沃。重耳居蒲城。夷吾居屈。羣公子皆鄙。鄙。邊

邑。音悅。唯二姬之子在絳。二五卒與驪姬譖

羣公子。而立奚齊。晉人謂之二五耦。耦。二相相

尺。共起一伐。言二人俱共。墾傷晉室。若此。譖責鳩反。音似。廣古曠反。楚令尹

子元欲蠱文夫人。文王夫人。息媯也。子元。為文王弟。蠱。惑以淫事。為

館於其宮側。而振萬焉。振。動也。萬。舞也。夫人聞之。泣

曰。先君以是舞也。習戎備也。今令尹不尋諸

仇讎而於未亡人之側不亦異乎

尋用也。婦人既寡自

稱未亡人御人以告子元

御人夫人子元曰婦人

不忘襲讎我反忘之秋子元以車六百乘伐

鄭入于桔柣之門

桔柣鄭遠郊之門也。乘繩證反。柣戶結反。柣待結

反子元鬪御彊鬪梧耿之不比為旆

子元自與三子

特建旆以居前廣充幅長尋曰旆。繼旆曰旆。御魚呂反。彊其良反。又居良反。比并里反。

鬪班王孫游王孫喜殿

三子在後為反。衆車禦。丁見反。

入自純門及達市

純門鄭外郭門也。達市郭內道上市。縣門不

發楚言而出子元曰鄭有人焉

縣門施於內。鄭示楚

以間暇故不閉城門出兵而效楚諸侯救鄭言故子元畏之不敢進。縣音玄。

楚師夜遁鄭人將奔桐丘

許昌縣東北謀告

曰楚幕有烏乃止

謀間也。幕帳也。冬饑臧孫辰告糴

于齊禮也

經書大無麥禾。傳言饑。傳又先書。得糴嫌或諱。在築郟上者。說始糴。經在下。須

築郟非都也凡邑有宗廟先君

之主曰都無曰邑邑曰築都曰城

周禮四縣為邑。然宗廟所在則雖邑曰都。尊之也。言凡邑則他築非例。

經二十有九年春新延廡

傳例曰書不時言新者皆舊物不可

用更造之辭夏鄭人侵許

傳例曰無秋有蜚。廡居又反。

傳例曰為災。冬十有二月。紀叔姬卒。無傳。紀國雖滅。

○壘扶味反。冬十有二月。紀叔姬卒。諸防皆魯邑。傳

繫之紀。賢而錄之。城諸及防。釋之。他皆放此。諸今城陽諸縣。

傳二十九年春。新作延廡。書不時也。經無作字。蓋闕。

凡馬日中而出。日中而入。日中春秋分也。治廡當以秋分。因馬

向入而脩之。今以春作。故曰不時。夏鄭人侵許。凡師有

鐘鼓曰伐。罪聲其。無曰侵。鐘鼓無聲。輕曰襲。掩其不備。

遣政。秋有蜚為災也。凡物不為災。不書。冬十

二月。城諸及防。書時也。凡土功。龍見而畢務。

戒事也。謂今九月。周十一月。龍星角亢晨見。東方三務始畢。戒民以土功事。

賢遍反。元苦浪反。又音剛。火見而致用。大火心星。次角亢見者。致築作之物。

水昏正而栽。謂今十月。定星昏而中。於是樹板幹而興作。我。才代反。一音

再。說文云。築牆長板。定多佞反。日至而畢。日南至。微陽始動。故土功息。樊

皮叛王。樊皮。周大夫。樊其采地。皮名。

經三十年春。王正月。夏。次于成。無傳。將甲師少。故直言次。

齊將降鄆。故設備。秋七月。齊人降鄆。無傳。鄆紀將子正反。降戶江反。

附庸國。東平無鹽縣東北有鄆城。小國。孤危。不能自固。蓋齊遙以兵威脅使降。附

月。癸亥。葬紀叔姬。無傳。以賢錄也。無臣子。故不作諡。九月。庚

午朔日有食之。鼓用牲于社。無傳。冬，公及齊侯

遇于魯濟。濟水歷齊魯界。在齊界為齊濟。在魯界為魯濟。蓋魯地。濟子禮反。

齊人伐山戎。山戎北狄。

傳三十年春，王命虢公討樊皮。夏四月丙辰，

虢公入樊，執樊仲皮，歸于京師。楚公子元歸

自伐鄭，而處王宮。欲逐蠱文夫人。鬪射師諫，則執而

梏之。射師鬪廉也。足曰桎。手曰梏。古毒反。秋，申公鬪班

殺子元。申，楚縣。楚僭號。鬪穀於菟為令尹，自

毀其家，以紓楚國之難。鬪穀於菟，令尹子文也。毀，滅。舒，緩也。穀

如走反。楚人謂乳曰穀。於音烏菟音徒。紓音舒。難乃且反。冬，遇于魯濟。謀

山戎也，以其病燕故也。齊桓行霸，故欲為燕謀難。燕國今薊縣。

薊音計。

經三十有一年春，築臺于郎。無傳。刺奢且非土功之時。夏

四月，薛伯卒。無傳。未同盟。築臺于薛。魯地。薛。六月

齊侯來獻戎捷。傳例曰：諸侯不相遺俘。捷，獲也。獻，奉上之辭。齊侯以獻捷

禮來。故書。以示過。秋，築臺于秦。無傳。東平范縣西北有秦亭。冬，不

雨。無傳。不書旱。不為災。例在傳二年。

傳三十一年夏六月，齊侯來獻戎捷，非禮也。

凡諸侯有四夷之功則獻于王。王以警于夷。以警懼夷狄。中國則否。諸侯不相遺俘。雖夷狄俘猶不以相遺。

經三十有二年春城小穀。小穀齊邑濟北穀城縣城中有管仲

井大都以名通者則不繫國夏宋公齊侯遇于梁丘。齊善宋之

請見故進其班梁丘秋七月癸巳公子牙卒。在高平昌邑縣西南

牙慶父同母弟僖叔也飲酖而死不以罪告故得書卒書日者公有疾不責公不與小斂

音鳩八月癸亥公薨于路寢。路寢正寢也公薨皆書其所詳

凶冬十月己未子般卒。子般莊公太子先君未葬故不稱爵不書

殺諱之也。般音班公子慶父如齊。無傳慶父既弒

子般季友出奔國人假赴告之禮而行狄伐邢。無傳邢國在廣平襄國縣

傳三十二年春城小穀為管仲也。公感齊桓之德故為

管仲城私邑齊侯為楚伐鄭之故請會于諸侯。楚伐鄭在二十八年

宋公請先見于齊侯。

夏遇于梁丘。見音現秋七月有神降于莘。

有神聲以接人莘惠王問諸內史過曰是何故也。內史過周大夫

對曰國之將興明神降

之監其德也將亡神又降之觀其惡也故有
得神以興亦有以亡虞夏商周皆有之亦有神異

王曰若之何對曰以其物享焉其至之日亦

其物也享祭也若以甲乙日至祭先脾玉用蒼服上青以此類祭之王從

之內史過往聞虢請命賜土田之命反曰

虢必亡矣虐而聽於神神居莘六月虢公使

祝應宗區史噐享焉神賜之土田祝大祝宗人史大

國將興聽於民政順民心將亡聽於神求福於神神聰

明正直而壹者也依人而行唯德是與虢多涼德

其何土之能得涼薄也為僖二初公築臺臨

黨氏善不告廟見孟任從之閔孟任

而以夫人言許之許以為割

臂盟公生子般焉雩講于梁氏女公子觀之

雩祭天也講肆也梁氏魯大夫女圍人犖自

牆外與之戲圍人掌養馬者以慢子般怒使

鞭之公曰不如殺之是不可鞭犖有力焉能

投蓋于稷門蓋覆也稷門魯南城門走而公

自投接其屋之桷反覆門上公

三

疾問後於叔牙對曰慶父材

蓋欲進其問於同母兄

問於

季友對曰臣以死奉般

季友莊公母弟故欲立般

公曰鄉

者牙曰慶父材成季使以君命命僖叔待于

鍼巫氏

成季季友也。鍼巫氏魯大夫。鄉許亮反。鍼其廉反。

使鍼季醜

之

醜鳥名其羽有毒。以畫酒飲之則死。曰飲此則有後於魯國

不然死且無後飲之歸及達泉而卒立叔孫

氏

達泉魯地。不以罪誅。故得立後。世其祿。

八月癸亥公薨于路

寢子般即位次于黨氏

即喪位。次舍也。

冬十月己未

共仲使圉人犇賊子般于黨氏

共仲慶父。音恭。成

季奔陳

出奔不書國。亂史失之。

立閔公

閔公莊公庶子。於是年八歲。

春秋經傳集解莊公第三



春秋經傳集解閔公第四

閔公名啓方。莊公之子。母叔姜。史記云。名開。謚法。在國遭難曰閔。

杜氏 盡二年

經元年春王正月齊人救邢夏六月辛酉葬

我君莊公秋八月公及齊侯盟于落姑齊地

季子來歸季子。公子友之字。季子忠於社稷。為國人所思。故賢而字之。齊侯許

納。故冬齊仲孫來仲孫。齊大夫。以事出疆。因

日歸。使也。還使齊侯務寧魯亂。故嘉而字之。來者

事實。省難。其志也。故經但書仲孫之來。而傳

傳元年春不書即位亂故也國亂不狄人伐

邢狄伐邢極管敬仲言於齊侯曰戎狄豺狼

不可厭也敬仲管夷吾諸夏親暱不可

棄也諸夏中國宴安酖毒不可懷也以宴安

毒詩云豈不懷歸畏此簡書詩小雅也文王

侯之簡書同惡相恤之謂也同恤請救邢以

從簡書齊人救邢夏六月葬莊公亂故是以

緩十一月秋八月公及齊侯盟于落姑請復

季友也閔公初立國家多難以季齊侯許之

使召諸陳公次于郎以待之非師旅之事季

子來歸嘉之也冬齊仲孫湫來省難湫仲孫

反子小書曰仲孫亦嘉之也仲孫歸曰不去慶

父魯難未已時慶父亦還魯公曰若之何

而去之對曰難不已將自斃斃踣君其待之

公曰魯可取乎對曰不可猶秉周禮周禮所

以本也臣聞之國將亡本必先顛而後枝葉

從之魯不棄周禮未可動也君其務寧魯難

而親之親有禮因重固能重能固則間攜貳

離而相疑者。則當因而間之覆昏亂也。覆。敗。霸王之器也霸王

所用。故以器為喻。王于況反。晉侯作二軍晉本一軍。見公

將上軍。大子申生將下軍。趙夙御我。畢萬為

右為公御右也。夙。趙衰兄。畢萬。魏犢祖。以滅

耿滅霍滅魏平陽皮氏縣東南有耿鄉。永安縣東北有霍大山。三國皆姬姓。

還為太子城曲沃。賜趙夙。賜畢萬。魏以為

大夫。士蔿曰。大子不得立矣。分之都城而位

以卿。先為之極。又焉得立位以卿。謂不如逃

之。無使罪至為吳。大伯不亦可乎大伯。周犬王之適子。

知其父欲立季歷。故讓位而適吳。猶有令名與其及也言雖去猶

有今名勝於留而及禍。且諺曰。心苟無瑕。何恤乎無家

天若祚大子。其無晉乎為晉殺。卜偃曰。畢萬

之後必大卜偃。晉掌萬盈數也。魏大名也。以

是始賞。天啓之矣。天子曰。北民諸侯曰。萬民

今名之大。以從盈數。其必有眾以魏從萬。初

畢萬筮仕於晉。遇屯震下坎之比屯

坤下坎上。比。屯初九變而為比。辛廖占之曰吉辛廖。晉大夫。廖。力彫反。

屯固比入吉。孰大焉。其必蕃昌屯。險難。所以為堅固。比。親

密所以震為土震變為坤車從馬震為車足居之

足震為兄長之震為長男母覆之坤為母眾歸

之坤為眾六體不易初爻變有此合而能固

安而能殺公侯之卦也比合屯固坤安震公

侯之子孫必復其始萬畢公高之後傳為

經二年春王正月齊人遷陽無傳陽國名蓋

夏五月乙酉吉禘于莊公三年喪畢致新死

遠主當遷入祧因是大祭以審昭穆謂之禘

於大廟故詳書以示譏祧秋八月辛丑公

薨實弒書薨又不地九月夫人姜氏孫于邾

哀姜外淫故孫稱公子慶父出奔莒弒閔冬

齊高子來盟無傳蓋高侯使來平魯

使也魯人貴之故不書名子十有二月狄入

衛書入不能有其地鄭弃其師高克見惡久

而克奔陳故克狀其事以告魯也

傳二年春虢公敗犬戎于渭汭犬戎西戎別

水出隴西東入河水之隈曲舟之僑曰無德

而祿殃也殃將至矣遂奔晉舟之僑夏吉禘

閔二年

左傳卷四

四

于莊公速也。初，公傅奪卜，齑田。公不禁。魯大

夫也。公即位年八歲，知愛其傅，而遂成其意。以奪齑田。齑，念其傅，并及公，故慶父因之。

齑反。秋八月辛丑，共仲使卜齑賊公于武闈。

宮中小門謂之。成季以僖公適邾，庶兄成風

闈。○共音恭。子共仲奔莒，乃入立之，以賂求共仲于莒。莒

人歸之，及密使公子魚請。密，魯地。琅邪費縣

魚，奚斯也。不許，哭而往。共仲曰：「奚斯之聲也。」乃縊

慶父之罪雖重，季子推親親之恩，欲同之叔牙，存孟氏之族，故略其罪，不書殺，又不書卒。

閔公、哀姜之娣、叔姜之子也。故齊人立之，共

仲通於哀姜，哀姜欲立之。閔公之死也，哀姜

與知之，故孫于邾。齊人取而殺之于夷，以其

尸歸。為僖元年齊人殺哀姜傳。僖公請而葬

之。哀姜之罪已重，而僖公請其喪還者，外欲固齊以居厚，內存母子不絕之義，為國家

計之大。成季之將生也，桓公使卜楚丘之父卜

之。卜楚丘，魯大夫。曰：「男也，其名曰友，在公之右。」

言用。閒于兩社，為公室輔。兩社，周社、亳社。兩

事。季氏亡，則魯不昌。又筮之，遇大有三三。

離上。之乾三三。乾下乾上，乾大有。曰：「同復于

大有。之乾三三。六五變而為乾。曰：「同復于

父敬如君所

並者之辭也。乾為君父。離變為乾。故曰同復于父。見敬與君同。

及生有文在其手曰友遂以命之

遂以名冬十

二月狄人伐衛衛懿公好鶴鶴有乘軒者

大軒

夫車。好呼報反。軒許言反。

將戰國人受甲者皆曰使鶴

鶴實有祿位余焉能戰公與石祁子玦與甯

莊子矢使守

莊子甯速也。玦玉玦。手又反。

曰以此

贊國擇利而為之

贊助也。玦示以當決斷。矢示以禦難。

與夫人

繡衣曰聽於二子

取其文章順序

渠孔御戎子伯為

右黃夷前驅孔嬰齊殿

傳言衛侯失民有素雖臨事而戒猶無所

及練反

及狄人戰于熒澤衛師敗績遂滅衛

此熒澤當在河北。君死國散。經不書滅者。狄不能赴衛之君臣皆盡。無復文告。齊桓為之

告諸侯。言狄已去。言衛之存。衛侯不去其旗。故但以入為文。

是以甚敗狄人囚史華龍滑與禮孔以逐衛

人二人曰我大史也實掌其祭不先國不可

得也

夷狄畏鬼。故恐言當先白。

乃先之至則

告守曰不可待也

守石甯二大夫

夜與國人出狄入

衛遂從之又敗諸河

衛將東走渡河。初惠公

之即位也少

蓋年十

齊人使昭伯烝於宣姜

不可強之

昭伯惠公庶兄。宣公子頑也。昭伯不可。

生齊子戴公

文公宋桓夫人許穆夫人文公為衛之多患

也先適齊及敗宋桓公逆諸河

迎衛敗眾宵濟渡

狄衛之遺民男女七百有三十人益之以共

滕之民為五千人

共及滕衛別邑。共音恭。

立戴公以廬

于曹

廬舍也。曹衛下邑。戴公名申立其年卒而立文公。

許穆夫人賦

載馳

載馳詩衛風也。許穆夫人痛衛之亡思歸唁之不可故作詩以言志。齊侯

使公子無虧帥車三百乘甲士三千人以戍

曹

無虧齊桓公子武孟也。車甲之賦異於常故傳別見之。

歸公乘馬祭

服五稱牛羊豕雞狗皆三百與門材

歸遺也。四馬曰

乘衣單複具曰稱。門材使先立門戶。稱尺證反。

歸夫人魚軒

魚軒夫人

車為飾重錦三十兩

重錦錦之熟細者以二皮為飾。故曰兩。三十兩。

也鄭人惡高克使帥師次于河上久而弗

召師潰而歸高克奔陳

高克鄭大夫也。好利而不顧其君。文公惡

之而不能遠故鄭人為之賦清人

清人詩鄭風也。刺文

公退臣不以道。危國亡師之本。

晉侯使太子申生伐東山臯

落氏

赤狄別種也。臯落其氏族。

里克諫曰太子奉冢祀社

稷之粢盛

里克晉大夫。冢大也。

以朝夕視君膳者也

膳廚

膳故曰冢子君行則守有守則從從曰撫軍

守曰監國古之制也夫帥師專行謀帥師者必專謀

軍事。守手又反。下同誓軍旅宣號君與國

政之所圖也非天子之事也國政師在制命

而已命將軍所制稟命則不威專命則不孝故君

之嗣適不可以帥師君失其官帥師不威將

焉用之天子統師是失其官也專命則不孝是為帥必不威也且臣聞

臯落氏將戰君其舍之公曰寡人有子未知

其誰立焉不對而退見天子天子曰吾其廢

乎對曰告之以臨民謂居曲沃教之以軍旅謂將下軍

不共是懼何故廢乎且子懼不孝無懼弗得

立脩己而不責人則免於難天子帥師公衣

之偏衣偏衣左右異色其半似公服。衣之偏衣於既反下衣身之偏衣之純衣之

佩之金玦以金為玦狐突御戎先友為右狐突

伯行重耳外祖父也為申軍梁餘子養御罕夷

先丹木為右罕夷晉下軍卿也梁餘子養為罕夷御羊舌大夫

為尉尉羊舌大夫叔向祖父也先友曰衣身之

偏偏半握兵之要謂佩金玦在此行也子其

勉之偏躬無慝

分身衣之半非惡意也

兵要遠災

威權在已

可以遠害

遠去聲下同

親以無災又何患焉狐突歎曰

時事之徵也

歎以先友為不知君心

衣身之章也

章貴

佩衷之旗也

旗表也所以表明衷音忠

故敬其事則

命以始

賞以春夏

服其身則衣之純

必以純色為服

用其

衷則佩之度

衷中也佩玉者士君子常度

今命以時卒闕

其事也

冬十二月闕盡之時

衣之龙服遠其躬也

龙雜色

佩以金玦弃其衷也服以遠之時以闕之龙

涼冬殺金寒玦離胡可恃也

寒涼殺離言無温潤玦如環而

缺不連

雖欲勉之狄可盡乎梁餘子養曰帥師

者受命於廟受脤於社

脤宜社之肉盛

反有

常服矣不獲而龙命可知也

韋弁服軍之常也龙偏衣

而不孝不如逃之罕夷曰龙音無常

雜色音怪非常

服之金玦不復雖復何為君有心矣

有害大子之心

丹木曰是服也狂夫阻之

阻疑也言雖狂夫猶知有疑

盡敵而反

曰公辭盡子忍反下盡敵同

敵可盡乎雖盡敵

猶有內讒不如違之

違去

狐突欲行

行亦去也

羊舌大夫曰不可違命不孝弃事不忠雖知其

寒惡不可取子其死之也寒薄也大子將戰狐突

諫曰不可昔辛伯諗周桓公諗告也事在桓公十八年諗音

審說文云深謀云內寵竝后外寵二政嬖子配適大

都耦國亂之本也周公弗從故及於難今亂

本成矣驪姬為內寵二五為外寵奚齊為嬖子曲沃為大都故曰亂本成矣立

可必乎孝而安民子其圖之奉身為孝不與戰為安民

其危身以速罪也有功益見害故言成風聞

成季之繇乃事之也成風莊公之妾僖公之母也繇卦兆之占辭繇直

反而屬僖公焉故成季立之僖之元年齊桓

公遷邢于夷儀二年封衛于楚丘邢遷如歸

衛國忘亡忘其滅亡之困衛文公大布之衣大帛之

冠大布麤布大帛厚縵蓋用諸侯諒闇之服諒音良又音亮務材訓農

通商惠工加惠於百工賞其利器用敬教勸學授方任能

方百事之宜也元年革車三十乘季年乃三百乘衛文

公以此年冬止齊桓公始平魯亂故傳因言齊之所以霸衛之所由興革車兵車季年在

僖二十五年蓋招懷逆散故能致十倍之衆乘繩證反逆槩諍反



春秋經傳集解閔公第四

